

須饒益一切有情

大虛空藏菩薩念誦法

仁王般若念誦法

大興善寺三藏沙門大廣智不空奉 詔譯

曲一

今時佛告波斯匿王今為王說仁王護國般若波羅蜜多持明之法王當諦受一心善聽先明入道場儀軌

若諸仁王為求息災先須沐浴著新淨衣若行主者受近住戒應起殷重大乘之心欲求成就不惜身命於無邊有情廣起悲願濟度

之心能如是者速得成就

入道場已五體投地徧禮法界一切三寶右膝著地懺悔三業一切罪障勸十方佛轉正法輪請諸如來久住於世隨喜三乘所修福智以我某甲所修功德悉皆迴向無上菩提願共法界一切有情所求悉地速得滿足次

曲一

十一

結加趺坐如其闕緣不得澡浴二手塗香發殷重心結清淨印兩手當心虚心合掌如未敷蓮華誦真言

唵一娑嚩_{合二}娑引_引嚩輸入_{鐸三}引_引薩嚩達磨_{上引}

三娑嚩_{合二}娑引_引嚩輸度憾_四

誦此真言三徧正誦之時運心廣布一切諸

法本來清淨是故我身亦悉清淨即閉目運想徧滿虛空一切諸佛菩薩道場眾會執持種種上妙香華三業至誠頭面禮敬

第一結佛部三昧耶印以兩手當心內相叉作竝豎二大拇指誦真言曰

唵一爾那爾迦娑嚩_{合二}引_引合訶_{去引}

不出聲誦此真言三徧下皆准知於頂上散由結此印契誦此佛部三昧耶真言故十方法界一切諸佛悉皆雲集徧滿虛空加持行法行者離諸障惱三業清淨所修行願速得成就

第二結諸菩薩部三昧耶印

兩手當心如前作拳左大拇指屈於掌中誦
真言曰

唵一阿引噓引力迦娑縛合二訶法引

唯前誦三徧於頂上散由結此印契誦此諸
菩薩部三昧耶真言故即得觀自在菩薩等
十方法界一切菩薩悉皆雲集徧滿虛空加

持行法行者三業清淨無諸災難謂諸菩薩
承本悲願令所求者皆悉滿足

第三結金剛部三昧耶印

右如前印以左大拇指屈右大拇指於掌中

誦真言曰

唵一縛日囉合二地力迦娑縛引二合訶引

唯前誦三徧於頂上散由結此印契誦金剛
部三昧耶真言故即得十方法界一切金剛
現威怒身如雲而集滿虛空界加持行法行
者三業堅固猶如金剛謂波聖者承佛威神
以自願力大則護持國界彼無災難小則乃
至一身令無諸厄

曲一

土

第四結護身印 又用三部所結印契及誦
真言五處加持謂額左肩右肩心喉五處於
頂上散即成被金剛堅固甲冑由此加持徧
行者身威光赫奕一切諸魔作障惱者眼不
敢覩疾走而去

第五結辟除印及金剛方隅寶界印

右以前金剛部印契誦彼真言遶壇左轉三
匝即能辟除大力諸魔隨佛菩薩善隱顯者
遠去地界隨心大小右轉三匝即成金剛方
隅寶界諸佛菩薩尚不違越況障惱者能得
其便於頂上散

第六結請聖眾降壇印

右用前三部印契及誦真言以大拇指向身
招請三徧三招即前滿空三部聖眾各依本
位不相障礙寂然而住頂上散

第七獻闕伽香水印

右以兩手持捧摩尼寶器盛香水置於眉即
誦真言曰

奄一縛日囉引二合娜迦吽引二
 准上誦三徧運心廣大次第普浴一切聖眾
 於頂上散由獻闕伽故從勝解行地乃至法
 雲地於地地中十方法界諸佛菩薩皆悉加
 護諸灌頂者

第八獻寶座印 右以兩手當心虛心合掌

二大拇指及二小指相附少屈餘之六指各
 散微屈如開敷蓮華真言曰

唵一迦磨囉娑嚩引二合訶引二

由結印契及誦真言所獻寶座令諸聖眾皆
 如實受用則令行法行者至果位中獲得金
 剛堅固座

第九結普供養印

右以兩手合掌五指互交以右壓左置於心
 上誦真言曰

娜莫三曼多沒馱引南引薩嚩佉引欠平烏

娜誡合二誡薩頌合二囉引唵引捨三誡誡曩二劍

娑嚩引二合訶引四

由結此印誦真言故運心廣布周徧法界諸
 佛菩薩道場海會普雨一切諸供養具初誦
 一徧塵沙寶器滿盛塗香普塗聖眾誦第二
 徧種種華鬘普徧莊嚴誦第三徧燒種種香
 普徧供養誦第四徧雨諸天中上妙飲食置
 於寶器普徧供養誦第五徧雨諸摩尼以為
 燈明普徧供養諸佛菩薩由誦真言加持力
 故所獻香等於諸海會悉皆真實聖眾受用
 行法行者於當來世常獲是報

第十結般若波羅蜜多根本印

當以兩手背相附收二頭指以二小指屈於
 掌中以大拇指各壓二指頭置於心上誦經

中陀羅尼七徧由結此印誦陀羅尼故行法
 行者自身即便變成般若波羅蜜多菩薩而
 為一切諸佛之母其菩薩像結加趺坐白蓮
 華上身黃金色眾寶瓔珞徧身莊嚴首戴寶
 冠繫冠白縷兩邊垂下左手當心持般若梵
 夾右手當乳作說法印以大拇指壓無名指

頭即想菩薩從頂至足身諸毛孔流出光明
作種種色徧滿法界一一光中化無量佛徧
虛空界諸世界中普為衆生當根宣說般若
波羅蜜多甚深之法皆令悟解住三摩地行
法行者作此觀已頂上散印手持數珠置於
掌中合掌當心誦真言曰

曲一

七

唵一尾噓者那引麼攤娑嚩引二合訶引三

誦此三徧加持數珠頂上戴已然後當心左
手承珠右手移珠念念相應住佛母三昧觀
心莫間斷誦一百八徧或二十一徧誦真言曰
娜謨囉怛娜合二怛囉合二夜野合二娜莫引阿哩
夜合二吠反無蓋路者娜引野二怛佗引摩多引

夜囉訶合二諦三三藐三沒馱引野四娜莫阿
引哩野五合三滿多跋捺囉引二合野六冒地
薩怛嚩引二合野七摩賀薩怛嚩引二合野八摩
賀迦引嚩拏迦引野九怛你野佗引枳穰合二
娜鉢囉合二你引閉十惡乞又合二野句勢十鉢
囉合二底婆引娜嚩底十薩嚩沒馱引嚩路枳

諦四喻誡跋哩你合二寧反儼避引囉努
囉嚩誡引係十底哩野合三特嚩合二跋哩你
囉跋合二寧八冒地質多散惹娜你合薩嚩引
毗曬迦引訖諦合二達磨娑引誡囉三步諦
二十阿慕伽室囉合二嚩二女耕反十摩賀三滿
多跋捺囉步彌三十涅反哩野合二諦四十

尾野合二羯囉拏五十跋哩鉢囉合二跋你六十
薩嚩悉馱七十娜麼塞訖哩合二諦八十薩嚩
冒地薩怛嚩合二九散惹娜你合三婆誡嚩底
何三反上沒馱引麼諦三十阿囉你合囉二囉二
尼解反三阿囉拏迦囉合三十摩賀鉢囉合二枳
穰合二五播囉引諦合賀六引十

如是依前志心誦念徧數足已即頂戴數珠
置於本處結三摩地印橫舒兩手以右押左
置於齋下端身閉目頭少微屈注心心上諦
觀圓明鏡智上縱廣一肘漸徧法界布字行
列右旋次第觀一一字光明徹照從外向內
至於地字從內向外漸觀諸字周而復始至

第三遍心善寂定了了分明觀所詮義不生
不滅一一平等皆徧法界非動非靜定慧雙
運永離諸相即是般若波羅蜜多三摩地觀
從此卻結般若波羅蜜多印誦陀羅尼七徧
於頂上散次結普供養印如前運心次第供
養對聖衆前以向所脩所生功德盡將資益
所求諸願爲國爲家利他滿足然後迴施衆
生迴嚴淨土迴向實際迴求無上菩提願共
有情速至彼岸次結前結界印誦前真言三
徧左輪即成解界次結前三部印誦前真言
三徧皆以大拇指向外撥之即成發遣聖衆
各歸本土行者作禮而去如常經行受持讀
誦大乘勿散動也如是五更至於晨朝以爲
初時日今後至於未時爲第二時從黃昏後
至於中夜爲第三時從中夜後至於五更爲
第四時如是時中各依本數精勤不怠一切
佗敵自然降伏一切災難永不復生爾時波
斯匿王聞佛說已即從座起作禮圍遶歡喜

踴躍信受奉行

仁王般若念誦法

十六

曲一